

FESTIVAL DI DANDE LO WORDO TRANSMITI LIVE E AÑA AKI

STA. CRUZ -- Dande ta angra den curazon di hopi di nos hendenan y ta forma parti di nos patrimonio historico y cultural. Youthfever.com, iTV Canal 49 y Banwakluz.com ta di acuerdo cu festival di Dande ta un actividad tipico di Aruba cu ta di gran importancia pa nos identidad cultural. Ta pesey mes Youthfever.com, iTV Canal 49 y Banwakluz.

com a uni forza pa haci e transmision di e dos festivalnan di Dande posibel via radio & TV online y tambe via cable TV. E marathon di Dande ta cuminsa Diabierna awor, dia 28 di December 2012 directo for di Centro di Bario Tanki Leendert cu e Festival di Dande Infantil y Hubenil desde 6:00 pm. E siguiente dia, Diasabra 29 di December e



ambiente ta sigui na Club Caiquetio for di 8:00 pm cu e Festival di Dande Grandi. Ambos anochi por spera un exhibicion magestral di nos talentonan local cu un tremendo serenata di e mihor deseonan pa e aña nobo pa tur famia Arubano. Riba e potret por mira sr. Harry Croes, organizador di Festival di Dande Grandi, Trevorr Rosel di Youthfever.com, Mark Benson Denz di

iTV y Francie Celaire di Banwakluz.com durante un reunion na Club Caiquetio. Pueblo di Aruba ta keda cordialmente invita pa atende ambos festival di Dande. Sinembargo, pa esnan cu pa un of otro motibo no por ta presente of ta biba den exterior, nan por sigui e festival Live (radio & TV) via www.youthfever.com y riba nan smartphone via www.mobile.youthfever.com.

Pa esnan cu ta prefera di mira e festival na television, por sintoniza Live via iTV Canal 49. E programa lo wordo presenta door di e hobennan Marcella Kock y Liesjenka Croes di e proyecto www.banwakluz.com cu ta cla pa marca historia huntocuturagrupacion y participante di e festivalnan di Dande 2012.